

**Rakyat Digesa Hargai Kemerdekaan, Hayati Perjuangan Generasi Terdahulu  
Bernama  
4 Ogos, 2012**

GEORGE TOWN, 4 Ogos (Bernama) -- Rakyat Malaysia digesa menghargai kemerdekaan dan menghayati perjuangan serta jasa generasi terdahulu yang membawa banyak kemajuan kepada negara.

Bekas Ketua Polis Negara Tan Sri Musa Hassan berkata sebagai tanda menghargai kebebasan yang dinikmati, rakyat harus bersatu dan menepis segala anasir yang boleh memecah-belahkan masyarakat di negara ini.

"Tidak lama lagi negara kita akan memasuki usia 55 tahun merdeka, justeru, kita seharusnya menjadi semakin matang dan mempunyai kesedaran yang tinggi untuk melindungi negara kita daripada ancaman luar.

"Perkara ini dapat direalisasi jika kita bersatu," katanya kepada pemberita pada majlis berbuka puasa bersama anak yatim dan ibu tunggal anjuran Persatuan Warga Cinta Negara Malaysia (Pencinta) Pulau Pinang di kampus Universiti Sains Malaysia malam Sabtu.

-- BERNAMA

Copyright © 2012 BERNAMA

Source: <http://www.bernama.com/bernama/v6/bm/newsindex.php?id=685684>